

Da poi disnar fo Pregadi, et lecto le soprascritte lettere.

Fu posto, per li Savii tutti, hessendo venuto in questa terra l'emin de . . . el qual ha ben convicinado con nui, et à presentà uno cavallo turco et uno . . . Che li sia donato do veste di . . . et ducati 100 d'oro aziò vadi ben edificato di questa terra. Fu presa.

Fu posto, per li Consieri, Cai di XL et Savi, che havendo li Procuratori di la chiesia di San Marco suplicà a la Signoria nostra : *cum sit* che è stato sempre *ab antiquo* la chiesia di San Marco exempta di angarie per l'intrade l'ha, et l'anno passato fu preso per questo Conseio che la non pagi la decima papal; et è ben conveniente sia privilegiata per rispetto et reverentia del signor protetor nostro, et per le gran spexe la fa. *Unde* hessendo stà tansadi essi Procuratori per li Savii sopra l'imprestedo per le abbatie di San Filippo Jacomo di qui et di San Piero in Arbe, et de li do priorati Pontebba et Fontanella nel territorio bergamasco, uniti a la detta chiesia, et li Procuratori preditti è contenti scontar la ditta tansa nel credito hanno con la Signoria nostra per l'imprestedo fato per avanti senza preuditio di le exemption di detta chiesia, per tanto li sia cussi concesso *ut in parte*.

Et sier Lunardo Emo Cao di X senza parlar in renga disse sentado: « Tutti paga exempti e non exempti ». Andò la parte, et non fu presa. Ave: 9 non sinceri, 73 di la parte, 88 di no. El fu preso di no di 2 ballote.

142 Fu posto, per tutti li ultrascritti, che hessendo andato ad habitar del 1520 a Padoa Achario Stal todescho et li fa le fazion con la terra, et hessendo debitor di tanse . . . nè havendo saputo, et vol pagarle ma haver il don, però sia preso, atento fu tansato absente del 1525, che'l ditto possi pagar si queste del sussidio è a li Governadori come le do perse è a le Cazude, con il don etc. Fu presa: 165, 8, 0.

Fu posto, per tutti *ut supra*, che la sexta tansa al Monte del sussidio a la qual è stà tirà questa matina le marelle, che si possi pagarla per tutto il presente mexe senza pena et senza don; ma pasado sia scossa con 10 per 100 di pena. Ave: 141, 15, 3.

Fu posto, per tutti *ut supra*, che atento uno Beneto Donadei citadin venetian, zovene valoroso et ben disposto ne le arme, hessendo capo di squadra del signor Antonio Maria Ronchon a la impresa di Cremona, in uno assalto fosse morto volendo salir le mure, però sia preso che a Zuan Batista

suo padre li sia concessa una contestabelaria a una di le porte di cadauna città nostra di terra ferma prima vacante, per sustentation soa et di la soa fameia, Fu presa. 162, 8, 0.

Et nota. Equivoco il nome del capitania Ronchon, perchè vol dir Jacomo Antonio Ronchon et non Antonio Maria.

Fu posto, per li Consieri, Cai di XL et Sayii. È venuto a la Signoria nostra donna Benvenuta moier fo del qu. Piero Vainovich citadin di Sebinico, dicendo il dicto suo marido fece fabriear una forteza nel territorio ditto Velin per sicureza di le possession soe. Et atento quel rezimento ha tolto la ditta forteza per habitation di stratioli per star a obviar le incursion di turchi et martilossi, rechiedendo la ditta li sia satisfatta la spexa, per tanto sia preso che la ditta forteza rimangi a la Signoria nostra, et se li dagi a lei per raxon di la soa dota ducati 300, *videlicet* ducati 150 fin un anno, et ducati 150 fin do anni del tratto di sali di Sebinico. Fu presa. 148, 51, 9.

*Scurtinio di Savio a Terra ferma, in luogo di 142**
sier Andrea Navaier iusta la parte.

Sier Antonio di Prioli dal Banco fo Cao del Conseio di X, qu. sier Mar-	76. 98
cho.	
† Sier Gabriel Moro el cavalier fo savio a terra ferma, qu. sier Antonio . . .	118. 63
Sier Nicolò Justinian el proveditor sora le acque, qu. sier Bernardo . . .	52.126
Sier Lunardo Zantani fo a la camera d'imprestidi, qu. sier Antonio . . .	76.103
Sier Bortolomio Zane fo a la camera d'imprestedi, qu. sier Hironimo . .	86. 99
Sier Zuan Nadal Salomon fo savio a terra ferma, qu. sier Tomà . . .	86.100
Sier Zuan Antonio Dandolo fo savio a terra ferma, qu. sier Francesco . . .	72.110
Sier Zaccaria Bembo fo savio a terra ferma, qu. sier Mathio . . .	60.121
Sier Alvixe Capello fo di Pregadi, qu. sier Francesco . . .	84. 93

Et chiamato il ditto sier Gabriel Moro, intrò subito.

Et licentiato Pregadi, restò Conseio di X con la Zonta. Et perchè manchava uno di la Zonta al numero perchè sier Luca Trun procurator vene zoso, fu terminà far uno di Zonta in luogo di sier Alvixe